



Beograd: Tadić poručio da se dogovor postigne u BiH

## Šta je donio susret u Beogradu Iznevjerena očekivanja RS

Atmosfera na momente bila usijana

Beogradski sastanak lidera parlamentarnih stranaka iz RS s predsjednikom Srbije Borisom Tadićem nije opravdao očekivanja barem nekih od sedmorice da će srbijski predsjednik ohrabriti njihove pozicije u vezi s tekućim razgovorima o ustavnim promjenama.

Na poziv Tadića, u Beograd su otišli predsjednici SNSD-a Milorad Dodik, SDS-a Mladen Bosić, DNS-a Marko Pavić, SP-a Petar

sta nametanja ili pritiska van dejtonskih okvira ne bi bila prihvatljiva za Srbiju.

Predstavnici stranaka iz RS ponovili su dobro poznate stavove da je neprihvatljivo bilo kakvo umanjivanje ingerencija RS. Prema saznanjima „Dnevnog avaza“, atmosfera se zamalo usijala kada su pojedini od političkih prvaka iz RS rukovodstvu Srbije prigovorili da nema viziju rješavanja ključnih nacionalnih pitanja,

## Čavić ni zadovoljan, ni nezadovoljan

Lider DP-a Dragan Čavić u izjavi za „Dnevni avaz“ rekao je da ih je predsjednik Srbije upoznao o sadržaju razgovora koje je na temu butmirskog procesa imao na marginama Generalne skupštine UN-a s državnim sekretarom SAD Hilari Clinton (Hillary Clinton) i njenim zamjenikom Stjuartom Džonsom (Stewart Jones), te predsjedavajućim Vijeća EU Kar-

lom Biltom (Carl Bildt) u više navrata.

Čavić kaže da je posebno bilo riječi o posljednjim razgovorima koje je Tadić u Beogradu vodio s Karlom Biltom, Stjuartom Džonsom i ostalim predstavnicima međunarodne zajednice. Čavić je istakao da on lično nema razloga da bude zadovoljan ili nezadovoljan ishodom sastanka u Beogradu.

Đokić, DP-a Dragan Čavić, SRS RS Milanko Mihajlić i potpredsjednik PDP-a Branislav Borenović.

Tadić je učesnicima razgovora dao do znanja da je interesovanje organizatora sastanka za uspjeh butmirskog procesa veoma veliko, kao i da Srbija ne želi nikog da primorava na bilo šta, niti da nameće rješenja, već da će podržati svaku vrstu dogovora i kompromisa unutar BiH. Prema Tadićevim riječima, dok je Dejtonski sporazum na snazi, svaka vr-

uključujući i pitanje Kosova.

Na ovu konstataciju reagirao je predsjednik Srbije Boris Tadić, rekavši da se na tom planu vodi živa diplomatska aktivnost, te da to neće biti predmet političke trgovine. Opozicioni lideri iz RS potegli su i pitanje ulaska BiH u NATO, budući da je ono u posljednje vrijeme ponovo aktuelizirano. Međutim, i u ovom slučaju stav predstavnika Srbije je bio da se u vezi s tim mora postići dogovor unutar BiH. **Z. RALJIĆ**

## Milorad Dodik, premijer RS Izmjena Ustava samo po Dejtonu

Premijer RS Milorad Dodik izjavio je da ne namjerava prihvatiti bilo kakve prijedloge promjene Ustava BiH kojima se krši Dejtonski sporazum.

Dodik je u intervjuu TV B92 rekao da predsjednik Srbije Boris Tadić nije ni pokušao da vrši na njega pritisak da promijeni svoje

stavove u vezi s reformama u BiH koje predlažu predstavnici SAD i EU.

Poslije razgovora s predsjednikom Srbije, Dodik je rekao da se uopće ne može ni razgovarati o prijedlogu za ukidanje prava entiteta da vetom stopiraju neke odluke u Parlamentu BiH.

**EKSKLUZIVNO** Tri bivša visoka predstavnika o stanju u BiH

# Mehanizam blokade mora biti modificiran

Butmir je prilika za istinsku deblokadu političke situacije • Pitanje entitetskog glasanja mora se rješavati prije ili kasnije

Tri bivša visoka predstavnika u Bosni i Hercegovini - Wolfgang Petrič (Wolfgang Petritsch), Paddy Ešdaun (Paddy Ashdown) Kristijan Švarc-Šiling (Christian Schwarz-Schilling) uputili su jučer otvoreno pismo povodom pregovora u Butmiru.

U pismu tri visoka predstavnika ističu da proces u kojem se pripremaju promjene Ustava i zakona u BiH izazivaju „i nadu i zabrinutost“.

### Ustavna reforma

Pojašnjavaju da je to prilika za istinsku deblokadu političke situacije u zemlji, ali i upozoravaju da je način na koji je Zapad pripremio skup naštetio ulozi i potencijalima Ureda specijalnog predstavnika Evropske unije (EUSR). Oni su se založili da se u proces u cijelosti integrira OHR.

Kako bi proces uspio, tri visoka predstavnika smatraju da se u njega moraju uključiti sve institucije državne vlasti, te predstavnici svih partija, i nevladinog sektora.

- Razgovori koji pre-



Ešdaun, Švarc-Šiling i Petrič: Uputili otvoreno pismo

dstoje moraju otvoriti put za održivu ustavnu reformu koja će biti usidrena u institucijama i civilnom društvu BiH i koju će podržati EU i Vijeće Evrope. U tijesnoj saradnji s SAD, Evropa treba pružiti finansijsku, strukturalnu i organizacijsku podršku kako bi reformski proces dao konačno dobar rezultat - stoji, između ostalog, u pismu.

Petrič, Ešdaun i Švarc-Šiling, nadalje, ističu i da se stabilna budućnost za BiH može ostvariti samo ako se pronađe kvalitetan balans između demokratskog pri-

Berlin/London/Paris, 18 October 2009. In the light of the next round of negotiations at Butmir, Sarajevo on the current situation and future of Bosnia and Herzegovina, Paddy Ashdown, Wolfgang Petritsch and Christian Schwarz-Schilling (High Representatives to Bosnia and Herzegovina between 1999 and 2007) have today issued the following statement:

Assuring Peace and a European Future in Bosnia and Herzegovina  
Paddy Ashdown, Wolfgang Petritsch and Christian Schwarz-Schilling

We welcome that the European Union and the wider international community are again paying serious attention to Bosnia and Herzegovina. The ad hoc talks at Butmir that will be continued this week evoke both our concerns

Faksimil pisma tri visoka predstavnika: I nada i zabrinutost

ncipa vladavine većine i interesa konstitutivnih naroda i manjina.

### Rezervne ovlasti

- Mehanizam blokade, koji je destruktivno korišten kroz dejtonski način donošenja odluka, mora biti modificiran tako što će se provesti preporuke Vijeća Evrope i Venecijanske komisije, kako bi BiH postala evropska demokratija u punom smislu te riječi. Ako se to ne postigne, entitetsko glasanje i diskriminatorne odredbe iz Dejtona će i dalje biti instrument kojim će nastaviti štetiti interesima

se očuvao mir i stabilnost u BiH, nakon zatvaranja OHR-a.

Iako jasno ne preciziraju koji je to mehanizam, oni ističu da takve ovlasti neće biti smetnja daljnjem napretku BiH prema EU, već naprotiv, garancija da proces neće ići unazad.

Petrič, Ešdaun i Švarc-Šiling pozvali su i zemlje članice NATO-a koje imaju svoje predstavnike u PIC-u da osiguraju da do kraja 2011. godine BiH postane punopravna članica NATO saveza kao zemlja koja sve više učestvuje u mirovnim operacijama.

## Brisanje viznog režima

Tri bivša visoka predstavnika zatražila su i da EU ovlasti Evropsku komisiju da ukine vizni režim za BiH, čim se ispunje uvjeti iz Mape puta.

- BiH je napravila velike iskorake u ovoj oblasti, zahvaljujući jasno postavljenim uvjetima, EU ima pravo, ali i obavezu da bude stroga, ali je sada vrijeme da bude poštena i BiH ne tretira drugačije nego

njene susjede.

Putovanje bez viza od ključnog je značaja za građane BiH i njihov pozitivan doživljaj Evrope i ne smije se koristiti kao instrument tokom razgovora u Butmiru. Ukoliko bi se dopustilo da se ovo pitanje veže za političke dogovore u Butmiru, to bi ozbiljno narušilo kredibilitet Evropske komisije i zemalja članica EU.

## Ocjene iz MVP Švedske Bit će potreban Butmir tri

Direktor za Balkan u švedskom Ministarstvu vanjskih poslova Lars Šmit (Schmidt) ocijenio je da bi na predstojećem sastanku političkih lidera u BiH u Butmiru 20. oktobra moglo doći do konkretizacije pitanja što će, kako je rekao, voditi ka napretku u eurointegracijama BiH.

- Ono što se dešavalo u Butmiru jedan i što se očekuje od Butmira dva trebalo bi da bude priprema za odgovarajuću odluku koju treba da donese Vijeće za implementaciju mira u

novembru, a tiče se budućnosti Ureda visokog predstavnika - rekao je Šmit.

On je dodao da se prethodno mora utvrditi da li su uvjeti za zatvaranje OHR-a ispunjeni.

- Ono što smo sada imali priliku da vidimo u Sarajevu jesu dobre mogućnosti za rješenje tog pitanja. Ali to još nije gotova priča, pretpostavljam zato da će nam biti potrebna nova runda razgovora, dakle Butmir 3, prije nego što se postigne dogovor - rekao je Šmit za „Dojče vele“.

## Ambasador Rusije u BiH Nećemo priznati nametnuta rješenja

Ruski ambasador u BiH Aleksandar Bocan-Harčenko poručio je da će Rusija podržati samo one reforme i promjene koje su utemeljene na saglasnosti i konsenzusu unutar BiH i da neće priznati nikakva nametnuta rješenja.

On je u razgovoru za RTRS kazao da ni u kojem slučaju nije vrijeme za kršenje ili značajnu promjenu Dejtonskog sporazuma, jer on treba još ostati kao temelj za osiguranje balansa interesa u BiH, prenosi Srna.

Bocan-Harčenko je, govoreći o butmirskim razgovorima, rekao da je to inicija-

tiva koja pripada SAD i EU, koja nema veze sa Vijećem za implementaciju mira u BiH (PIC), te da Rusija, kao članica PIC-a i garant Dejtonskog sporazuma, prati butmirski proces i zainteresirana je za predstojeći nastavak butmirskih razgovora.

- Tu ima i stvari koje se poklapaju sa stavom Rusije, kao što je to težnja za uspostavljanjem dijaloga unutar BiH, jer smo ubijedeni da je samo dijalogom, bez nametanja rješenja, moguće doći do poboljšanja političke situacije u BiH - istakao je ruski diplomata.